

KERATAN AKHBAR

TARIKH : 26 JANUARI 2022
AKHBAR : SINAR HARIAN
MUKA SURAT : 5

PM mahu warga JPM kerja dengan jujur

PM mahu warga JPM kerja dengan jujur

PUTRAJAYA - Perdana Menteri, Datuk Seri Ismail Sabri Yaakob mengingatkan warga Jabatan Perdana Menteri (JPM) agar bekerja dengan jujur dan berintegriti serta mempergiatkan usaha membantu mempromosi konsep Keluarga Malaysia.

Dengan hampir semua dasar negara tertumpu pada JPM, Ismail Sabri pada Majlis Amanat Perdana Menteri bersama Warga JPM di sini pada Selasa berkata, JPM perlu memberikan contoh kepada kementerian lain dan rakyat dalam pelaksanaan dasar kerajaan.

Beliau berkata, segala isu berkaitan negara terletak di bawah JPM seperti Rancangan Malaysia Ke-12 (RMK12), keselamatan negara dan pengurusan bencana dan walaupun terdapat kementerian lain yang mengendalikannya, namun punca kuasanya terletak di bawah JPM.

“Semua mata tertumpu pada JPM kerana hampir semua dasar negara tertumpu pada JPM...sebab itu gerak kerja JPM, kita perlu tunjuk contoh terbaik kepada kementerian lain dan rakyat,” katanya.

Dalam pada itu, Ismail Sabri menjelaskan, kelewatan pengagihan Bantuan Wang Ihsan (BWI) kepada mangsa banjir yang tidak berpindah berlaku, disebabkan terdapat tuntutan yang boleh dianggap meragukan.

Beliau berkata, terdapat juga permohonan BWI yang tinggi diterima dari sesetengah negeri, iaitu sekali ganda daripada jumlah asal ditetapkan.

Katanya, perkara tersebut berlaku disebabkan terdapat kes individu yang membuat tuntutan BWI, meskipun keadaan air di rumah hanya di paras buku lali dan kes mereka yang tidak berpindah ke pusat pemindahan sementara (PPS), sebaliknya berada di rumah saudara masing-masing.